

Վարչական տույժ նշանակելու մասին

«13» հոկտեմբերի 2022թ

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, քննելով Ղազախստանի քաղաքացի Դուլաթ Ամատովի (անձնագիրը՝ N13217114) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

Ղազախստանի քաղաքացի Դուլաթ Ամատովի կողմից 03.09.2022 թվականին թիվ 05100041/030922/0036177 տարանցման հայտարարագրով Մեղրիի մաքսային կետ-բաժնով ՀՀ ներմուծված TOYOTA SIENNA մակնիշի, 2008 թվականի արտադրության, 5TDZK22CX8S206598 նույնականացման համարով տրանսպորտային միջոցը սահմանված ժամկետում՝ մինչև 13.09.2022 թվականը ներառյալ չի հասցվել Բազրատաշենի մաքսային կետ-բաժին:

Նշված փաստի առթիվ Հայաստանի Հանրապետության պետական եկամուտների կոմիտեի Հարավային մաքսատուն-վարչության ավագ մաքսային տեսուչ-իրավաբանի կողմից 16.09.2022 թվականին հարուցվել է մաքսային կանոնների խախտման վերաբերյալ վարույթ՝ ՀՀ մաքսային օրենսգրքի 195-րդ հոդվածի հատկանիշներով, այն է՝ Հայաստանի Հանրապետության մեկ մաքսային մարմնից մյուս մաքսային մարմնի մաքսային հսկողության ներքո գտնվող ապրանքները կամ տրանսպորտային միջոցները և ուղեկցող փաստաթղթերը սահմանված ժամկետում չհասցնելը:

16.09.2022 թվականին թիվ Ն/23.1/164033-2022 գրությամբ հարցում է կատարվել Արևելյան մաքսատուն-վարչություն՝ նպատակ ունենալով պարզել՝ թիվ 05100041/030922/0036177 տարանցման հայտարարագրով Մեղրիի մաքսային կետ-բաժնով ՀՀ ներմուծված TOYOTA SIENNA մակնիշի, 2008 թվականի արտադրության, 5TDZK22CX8S206598 նույնականացման համարով տրանսպորտային միջոցը հասցվել է նշանակման մաքսային մարմին, թե՛ ոչ:

28.09.2022 թվականին թիվ Ն/22-4/170034-2022 գրությամբ Արևելյան մաքսատուն-վարչությունից պատասխանել են, որ թիվ 05100041/030922/0036177 տարանցման հայտարարագրով ՀՀ ներմուծված տրանսպորտային միջոցը չի հասցվել նշանակման մաքսային մարմին:

Վարչական վարույթի շրջանակներում հարցում է կատարվել ՀՀ Ոստիկանության անձնագրային և վիզաների վարչությանը՝ նպատակ ունենալով տեղեկատվություն ստանալ Ղազախստանի քաղաքացի Դուլաթ Ամատովի հաշվառման վայրի վերաբերյալ:

ՀՀ Ոստիկանության անձնագրային և վիզաների վարչությունը տրամադրել է տեղեկատվություն առ այն, որ Ղազախստանի քաղաքացի Դուլաթ Ամատովի հաշվառման վայրի վերաբերյալ տեղեկատվություն առկա չէ:

Վարչական վարույթն օբյեկտիվ և բազմակողմանի իրականացնելու անհրաժեշտությունից ելնելով՝ հարցում է կատարվել Հայաստանի Հանրապետության պետական եկամուտների կոմիտեի Ներքին անվտանգության վարչություն Ղազախստանի քաղաքացի Դուլաթ Ամատովի սահմանահատումների պատմությունը ստանալու նպատակով:

Հայաստանի Հանրապետության պետական եկամուտների կոմիտեի Ներքին անվտանգության վարչությունը տեղեկատվություն է տրամադրել սահմանահատումների վերաբերյալ, համաձայն որի՝ 23.09.2022 թվականին ժամը 21:47-ին Բագրատաշենի մաքսային կետ-բաժնով TOYOTA SIENNA մակնիշի, 2008 թվականի արտադրության, 5TDZK22CX8S206598 նույնականացման համարով տրանսպորտային միջոցով Ղազախստանի քաղաքացի Դուլաթ Ամատովը դուրս է եկել ՀՀ-ից և անցել Վրաստան:

ԵՏՄ մաքսային օրենսգրքի 150-րդ հոդվածի 1-ին մասի 1-ին կետի համաձայն.

«Մաքսային տարանցում» մաքսային ընթացակարգին համապատասխան ապրանքների փոխադրման (տրանսպորտային փոխադրման) ժամանակ փոխադրողը, անկախ այդ մաքսային ընթացակարգով ձևակերպված ապրանքների հայտարարատուն լինելու հանգամանքից, պարտավոր է.

1. ուղարկող մաքսային մարմնի կողմից սահմանված ժամկետում ապրանքներն ու դրանց փաստաթղթերը հասցնել ապրանքների առաքման վայր՝ հետևելով ապրանքների փոխադրման (տրանսպորտային փոխադրման) սահմանված երթուղուն, եթե այդպիսին սահմանված է:

ՀՀ մաքսային օրենսգրքի 189-րդ հոդվածի համաձայն՝ մաքսային խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ Մաքսային օրենսգրքի 219-րդ հոդվածի 2-րդ մասի համաձայն.

Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

Վարչական վարույթի նյութերի ուսումնասիրությունից պարզվում է, որ Ղազախստանի քաղաքացի Դուլաթ Ամատովը սահմանված ժամկետում Հայաստանի Հանրապետության մեկ մաքսային մարմնից մյուս մաքսային մարմնի մաքսային հսկողության ներքո գտնվող ապրանքները կամ տրանսպորտային միջոցը և ուղեկցող փաստաթղթերը չի ներկայացրել մաքսային մարմիններին:

Ելնելով վերոգրյալից և ղեկավարվելով ՀՀ մաքսային օրենսգրքի 195-րդ, 219-րդ, 206-րդ, 221-րդ հոդվածի 1-ին կետի ա) ենթակետով և ՀՀ վարչական իրավախախտումների վերաբերյալ օրենսգրքի 32-րդ ու 234-րդ հոդվածներով,

Ո Ր Ո Շ Ե Ց Ի


1. Ղազախստանի քաղաքացի Դուլաթ Ամատովին ՀՀ մաքսային օրենսգրքի 195-րդ հոդվածով սահմանված մաքսային կանոնների խախտում կատարելու համար ենթարկել վարչական պատասխանատվության՝ տուգանել **100 000 ՀՀ դրամ:**

2. Որոշման մասին հայտնել Ղազախստանի քաղաքացի Դուլաթ Ամատովին:

3. ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ մաքսային օրենսգրքի 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) որոշումը կայացնելուց հետո 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

Սույն որոշմամբ նշանակված փուլանքի վճարման հաշվեհամարն է. 900005024055' 100000 ՀՀ դրամ, նշել 30 կողք:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ
ՄԾ ԳՆԴԱՊԵՏ



ԱՐՏԱՇԵՍ ՂԱՄԲԱՐՅԱՆ